




**LVK
2024**

MESTREECH

26 jannewari



INHAAJD

01. Noeëts Mèr Vergaete	14	11. Póshaas	36
02. Sjpaslegioen	16	12. Nog nie te laat	38
03. Gans Limburg geit plat!	18	13. Nondeju	40
04. Sjoenkele of Springe	20	14. D'n Drejdaagsvleeg	42
05. Vastenach!	22	15. 't Vastelaoveskroege-ritme	44
06. Ik Wooj Nie Gaon	24	16. Ich vastelaovendj!	46
07. Pas dan kom ich thoel!	26	17. Vastelaovend is los!	48
08. De everal-uh-fees-van-makers	28	18. Vreej mét Vastelaovendj	50
09. Made in Limburg	30	19. Heerlik!	52
10. 1000 Klanke, 1000 Kleure	34	20. Woke, mèt 'n zachte G	54

Veurwoord veurzitter Stichting LVK	04	Pruuf Mar (winnaar 2023)	12
Veurwoord veurzitter organisatie	06	Scoreformulier	32-33
Veurwoord börgemeister	08	Publieksstumme	56-57
Limburgs Volkslied	10	Euverziech winners	58-59

48^e LVK FINALE



Vriedag 26 Jannewari 2024



Feespaviljoen bij
'Buitenplaats Vaeshartelt', Mestreech

Prizzentatie:

Marjolein Heijltjes & Ruud Kleinen

LVK2024
MESTREECH
26 jannewari



Samestëlling: **Stichting LVK / Maurice Gorissen**

Vörmgeving: **MediaKracht.com**

Foto's: **Ruud Heuvelmans**

Drök: **Sync.**

Organisatie 2024:

Sjeng Kraft Kompenei

A portrait of Joep Verbugt, a middle-aged man with glasses, wearing a black tuxedo and a red bow tie. He is smiling and looking towards the camera. The background is a colorful, abstract pattern with large circles in shades of red, orange, and grey. A yellow text box is overlaid on the left side of the image.

VEURWOORD
VEURZITTER
STICHTING LVK

Joep Verbugt

48^e LVK Finale

Wae zien 'Ojgem Blieve Hale' en daarom kinne wae nou heej klaor staon um het jaorliks hoegtepunt van de Limburgse vasteloaves met zien allen te gaon belaeve. Natuurlik dinken wae dan ierst effe truuk aan de letste finale in die splinterneije fabriekshal in Venray. Wat waas het ein fantasties fiës met ein geweldig publiek en sympathieke artiesten die 'Pruuf Mar' oeht Ysselsteijn de hoëgste ier van herte gunden.

De LVK karavaan is vandaag hielemaol afgezakt van Noord-Limburg nao Mestreech. Dao is ein hiel goij reeje veur want dit jaor is het 100 jaor geleje det Sjeng Kraft, de vader van Beppie, is geboren. De Sjeng Kraft Kompenei heet det gegaeve aangegrepe um os te vraoge de organisatie van de finale veur hun reikening te moge neme. Die vraag hebben wae hiel gaer gehonoreerd umdet wae hun onger angere door de organisatie van de 11e van de 11e hebben liere kinnen als ein club die tot hiële sjoëne dinge in staot is. En dao is mich get opgebouwd hei op Buitengoed Vaeshartelt: ze hebben der heej in Mestreech 'laaank en breeid' euver gepraot veurdet ze dit gingen opbouwen mer nou steit der auch get. Sjeng zou der gruuets op zien gewees!

Wae zien dit konkoers begos met 196 leedjes. Det zien der 35 mier dan veurig jaor! Met dit aantal ingezonde leedjes zien wae wer gans truuk op het niveau van veur corona. De LVK jury heet 60 leedjes oehtgekoze. Die leedjes zien allemaol te zeen en te huure gewees in de drie halve finales die oehtgezonde zien vanoet D'n Binger in Meijel. Die opnames heet L1 wer prima verzurgd. Het publiek en de LVK-jury samen hebben die 60 leedjes truuk gebrach tot 20 finaliste.


Deze artiesten stoan allemaol klaor um vanaovund vur uch en veur hongerd dozenden Limburgers hun groëtste drum waar te gaon maken. Het LVK winne is un boetegewoene ier mer in deze finale stoan is auch al geweldig. Hiel veul dank aan de Sjeng Kraft Kompenei, de LVK-jury, L1 en al die vreejwilligers die zich ontzettend ingezatte hebben um deez finale heej meugelik te maken. Ich wins alle artieste veul succes en veur alle bezoekers, kiekers en loesterers: Geneet ervan!

En wae hauwe op de kis umdet der veur de 48^e kier ein LVK-Finale is.

Joep Verbugt

Veurzitter Stichting LVK



A portrait of a middle-aged man with grey hair, wearing a dark blue sweater over a light blue patterned shirt. The background is colorful with large red, green, and orange circles and abstract shapes. A dark green box with a white border is overlaid on the left side of the image, containing text.

VEURWOORD
VEURZITTER
STICHTING
SJENG KRAFT
KOMPENEI

Luc Overhof

‘Oet Limburg kump de meziek.....!’

In ’t jaor dat de naamgever vaan us stiechting, Sjeng Kraft, 100 jaor zow weure, zien veer grutse gashier veur LVK-vierend en -genetend Limburg.

De mieste Limburgers kinne us vaan de organisatie vaan de 11de van de 11de. Eder jaor stoon veer garant veur ’n stijlvol opening vaan de Limburgse Vastelaovend. En e paar weke veur die drei sjieke daog prizzentere veer, same mèt Provincie Limburg en De Limburger, ’t kunswerk ‘Vastelaovend in Limburg’ boe 75.000 posters vaan gemaak weure die gratis besjikbaar zien veur leefhöbbers.

Meh, noe, noe geit ’t gebäöre.....!

Veur de allerierste kier in de bestaonsgesjiedenis vaan ’t LVK organiseert ’n rasechte Mestreechse organisatie dit traditionele fies.

Sjeng Kraft geit ongetwiefeld op de sjoenste vaste-laovendswolk mètgenete vaan onvervalste Limburgse meziek en ’n sfeer boe meinigein sjevraoje vaan zow kriege.

Iech zeen ’m zitte, mèt de moneka in zien han en op reikwijdte e glaas beer mèt e dröpke daoneve...

Gans Limburg én wied daoboete kin euvereges, via ’n rechstreekse tèlevisieverbinding, mètgenete vaan ’nen aovend Limburgse Vastelaovend in optima forma!

En de luij die ’n entreekeertsje höbbe kinne bemachtige veur ’t spektakel in ’t Sjeng Kraft Paviljoen bij Boetemplaots Vaeshartelt in Mestreech hure, veule en preuve dee onvervalste sfeer live....

tot ’t lètste refrein.....

De Sjeng Kraft Kompenei besteit dit jaor 22 jaor; extra reie veur e sjiek fieske! Veer laote uuch gere mètgenete zoetot veer same met uuch sjoen herinneringe kinne make!

Op Limburg, op Sjeng en op uuch!

Luc Overhof

Veurzitter Stichting

Sjeng Kraft Kompenei



**VEURWOORD
BÖRGEMEISTER
VAAN
MESTREECH**

Wim Hillenaar



Welkom Limbörg!


Meziek is de brandstof vaan de Vastelaovend. Zoonder die plezerege en sfeerbepaolende klaanke zouw 't fees der feeste neet bestoon. Gelökkeg is de Limbörgse Vastelaovend riek aon prachtege, authentieke leedsjes. Ze weure gezoonge in die vääle sjieke lokaole Limbörgse dialekte. Wat neet wegnump tot de mies aansprekende leedsjes ouch door vastelaovendsvierders mèt 'n aander Limbörgs dialek oetbundeg weure mètgezoonge. Dat gief de meziek extra krach: meziek verbint de Limbörgers 'vaan Eijsde tot de Mookerhei'.

V'r höbbe dit groetendeils te danke aon 't Limburgs Vastelaovesleedsjes Konkoeer (LVK). De jaorlekse leedsjeswedstrijd is de motor vaan dit uniek stökske volkscultuur. Sinds de start in 1977 is 't konkoeer oetgegreujd tot ein vaan de hoegtepunte vaan 't Vijfde Sezoen. Dit jaor heet Mestreech de ier

't LVK te mage oontvaange, en dat op 'n zier bezunder plaots in eus stad: Landgoed Vaeshartelt. De Sjeng Kraft Kompenei teikent veur de organisatie en zal wie altied alles oet de kas hole um e geweldig fees devaan te make!

De stad Mestreech wins alle componiste, tekssrijvers, muzikante, juryleie, organisatore, tv-makers en netuurlek 't publiek in de zaol en thoes e geweldeg LVK touw!

Wim Hillenaar
Börgemeister vaan Mestreech





Beppie Kraft

Venaovend steit dit fieske in 't teike vaan de 100ste
verjaordaag vaan miene pap Sjeng Kraft.

“Wat zow heer gruuts zien!”

Limburgs Volkslied

Waar in 't brongroen eikenhout
't Nachtegaaltje zingt
Over 't malse korenveld
't Lied des leeuweriks klinkt
Waar de hoorn des herders schalt
Langs der beekjes boord

Daar is mijn Vaderland Limburgs dierbaar oord!
Daar is mijn Vaderland Limburgs dierbaar oord!

Waar de brede stroom der Maas
Statig zeewaarts vloeit
Weeldrig sappig veldgewas
Kostelijk groeit en bloeit
Bloemengard en beemd en bos
Overheerlijk gloort

Daar is mijn Vaderland Limburgs dierbaar oord!
Daar is mijn Vaderland Limburgs dierbaar oord!

Waar der vaaderen schone taal
Klinkt met heldere kracht
Waar men kloek en fier van aard
Vreemde praal veracht
Eigen zeden, eigen schoon
't Hart des volks bekoort

Daar is mijn Vaderland Limburgs dierbaar oord!
Daar is mijn Vaderland Limburgs dierbaar oord!

Waar aan 't oud Oranjehuis
't Volk blijft hou en trouw
Met ons roemrijk Nederland
Één in vreugd en rouw
Trouw aan plicht en trouw aan God
Heerst van Zuid tot Noord





Pruuf Mar

Winnaars LVK 2023

Ha Limburg!


Mit 'n glaeske cola en bekske chips òp de baank beej Oma. Same kiëke of weej òs páp en márn kòsse viende òp TV en ien de kamer mitblaere mit alle Vastelaovesliedjes. En as weej dan ien bed lage dromde weej d'r van um zelf enne kieër òp dat podium te meuge staon. Zoeë zage òzze urste LVK-memente d'r uut. Weej hán toen nie dörve droeëme dat weej 'n ántal jaor látter Bertha zelf ien huus zun hebbe. Wat zien weej gròts!

De Vastelaovend laeft ien Limburg. D'r zien zóveul meense die dizze fantástiesen tied ien 't hárt vule. Van dat klaene megje vur d'n tillevisie tot de preens beej de zitting; ieder belaeft de Vastelaovend òp zien aege meniër. Dat mákt de Vastelaovend ok zó uniek. Alles kumt efkes same. Of dat nòw mit 'n tredisjionieële márs of mit 'n verneejende "sound" is: as 't mit 'n Vastelaoveshárt wert gemákt en gevuuld dan huuërt 't d'r beej.

Vandaag kòmme alle wege van Limburg wér efkes same ien 't magiese Mestreech. Mit hieël veul liefde gaeve weej Bertha dur án vâst en zeker 'ne fantástiese neeje winner. Limburg: geniët van de Vastelaovend! De òpgespaarde ojjem kumt aendelek wér vreej!

Pruuf Mar

Winnaars LVK 2023



01.

TEKSSJRIJVER(S) ROEL GOMMANS, JULES REIVERS, LEON AARTS

KOMPONIS(TE) ROEL GOMMANS, JULES REIVERS

OETVOERENDE(N) BJORN & MIEKE



Noeëts Mèr Vergaete

📍 VENRAY

Koeplet 1:

Wát vandaag het mitgemákt
Het òs ien 't hárt gerákt
Al wieëte we dan lang nie âltied hoe

Alles is zó puur en aecht
Már vliëgt nao dees daag wér weg
Dat vuult wel vrimd, már zoeë is 't goëd

Al nimt d'n tied verhaale mit zich mit
Vastelaovend mákt ze ònvergaetelek

Refrein:

Dit gaon we noeëts
Nog mieër dan oeëts
Dit gaon we noeëts, noeëts mér vergaete
Verlore in d'n tied
Már we rake 't nie kwiet
Dit gaon we noeëts
Dit gaon we noeëts mér vergaete

Koeplet 2:

As d'n dag vervloge is
Uut gedachte is gewist
En liekt 't dan vur âltied wer vurbeej

Màr dat viend de weg dan wér
Al vuult 't zwaor en zóver weg
Dan kumt geluk vanzelluf vreej

Al nimt d'n tied verhaale mit zich mit
Vastelaovend mákt ze ònvergaetelek

Brug:

De joeks, de kwats, noeëts mér vergaete!
De knoevels, de naacht, noeëts mér vergaete!
De traone, de lach, noeëts mér vergaete!
Dit hét vastelaovend òs gebraocht



02.

TEKSSRIJVER(S) NIELS LEMMENS
KOMPONIS(TE) NIELS LEMMENS, JOS GIJZEN
OETVOERENDE(N) WILD VLEISJ

A photograph of four men from the Sijpaslegioen, smiling and posing together. They are wearing dark brown vests with colorful rainbow stripes and various patches, including one that says 'WILD VLEISJ'. The background is a colorful, abstract pattern with red, yellow, and blue shapes.

Sijpaslegioen

📍 ELSLOO

Intro:

Legioen.... Gaef, sjpas!

Koeplet 1:

Door dörpe en langs velden
Marchere veer es helden
Steit ederein paraat
In kleur en vol ornaat
Op stap door wëndj en raege
D'r hilt ôs neemes taege
't Volk van de sjpas
Löp altied oet de pas

Refrein:

Wae kump d'r hiej om uch te ammezeere
Veer zeen 't sjpaslegioen noe sjeet mèr aan
'n Bónjte troep van èllefdoezend kleure
Veer zeen 't sjpaslegioen noe sjeet mèr aan
V'r sjeete rap-pa-pa-pa-pa-pap mit confetti
Blaoze trómpö-pö-pö-pö-pöt van alaaf
V'r zeen de rwàd, gael, greun kammeraoje
't Legioen van de kwatsj en boem pats paaf

Koeplet 2:

Straks loupe veer de taptoe
Gaon tijgerend nao hoes toe
Ôs missie is gesjlaag
Gein trammelant vandaag
Dan gaeve veer ôs euver
Van Gulpe tot in Reuver
En gaon de hènj ómwach
V'r sjeete in de lach

Brug:

Wooróm staon de luuj taege ein,
Ôs legioen brungk ze bieje ein, naeve ein....

Modulatie/Variatie:

V'r sjeete rap-pa-pa-pa-pa-pap mit confetti
Blaoze trómpö-pö-pö-pö-pöt van alaaf
V'r zeen de rwàd, gael, greun kammeraoje
't Legioen van de kwatsj en boem pats paaf

Wae kump d'r hiej om uch te ammezeere
Veer zeen 't sjpaslegioen noe sjeet mèr aan
Gevreigel weurd mit vrundsjap hiej verdreve
Hiej geit 't sjpaslegioen d'r taege aan!



03.

TEKSSJRIJVER(S) MAURICE PLUIJMAKERS
KOMPONIS(TE) JOS GIJZEN
OETVOERENDE(N) DE GELIËNDE

Gans Limburg geit plat!

📍 HULSBURG

Refrein:

Gans Limburg geit plat!
Dan kint 't Hollesj en 't Èngelsj neet regere
Gans Limburg geit plat!
Ich vraog mien 'matties' om de sjtraottaal te negere
Dit is ózze nuuje moraal:
De vastelaovend vier v'r in ós modertaal
En es 't effe mis geit, 'so what?'
Gans Limburg geit plat!

Koeplet 1:

Zèk luuj, van wat ich lèts hoort, góng ich euver de nek
De jeug wilt neet miè zinge in 't Limburgs dialek
Noe bin ich 'flabbergasted' en dink ich: 'holy shit!'
't Is sjuus esof 't plat in eine 'rollercoaster' zit
Noe zin veer zoa euver de roaje
Dat veer gans Limburg plat gaon goaje!

Koeplet 2:

Noe zin ze 't aan 't susse, 't waor mer 'n geruch
Meh jóng, blief van 't plat aaf! Want dao bin ich op beduch
Ich mót toch ech neet dinke aan 'n 'LV-Sing Along'
Mèt leedjes in 'n taal wo ich de clou neet van versjtaon
De vastelaovesgek mèt balle
Lièt in 't plat de leedjes sjalle!


Brug:

En huèr ich de godsganse daag weer nieks es 'harde G-en'
Kiek ich 'n bietje koekoek (en wèts te wat ich zèk?)
Ich nicht verstehen! - Ich nicht verstehen!



04.

TEKSSRIJVER(S) MAURICE PLUIJMAKERS
KOMPONIS(TE) JOS GIJZEN, MARLSTONE
OETVOERENDE(N) 4TON



Sjoenkele of Springe

📍 BERG EN TERBLIJT

Koeplet 1:

Ich kom binne in de vastelaovend, 'n röstig begin
De plaetjesdreijer sjtart miene sjoenkelaer in
Dan dreij ich 'n lekker welske mit dich leve sjat
Dat veult esof ich thoes kom, 't is juus 'n werm bad
En zin v'r zoa sjtilkes begós
Klink opins dae paaf en 't geit los!

Refrein:

Dan mó't ich sjpringe want ich kin neet langer sjtil blieve sjtaon
De leedjes zinge die mich door de kop blieve gaon
Opins dan reup dae plaetjesdreijer "dreije!" (dreije!)
En ich loup nao de ganse zaal te zijweije (zijweije!)
Dan sjpring ich want ich kin neet langer sjtil blieve sjtaon
Ich zing de leedjes die mich door de kop blieve gaon
Dan sjpring ich wie 'n oetgelaote kind
Totdat dae sjoenkelaer begint.

Koeplet 2:

In 't mitte van de vastelaovend 'ns aevekes rös
D'n doosj dae weurt lekker mit 'n pilske geblös
Dan sjeet ich dich in mien erm en veul mich weer top
Ich doon veur wat kump nog 'n sjöpke d'r op
Want nao zoa'n romantisch moment
Geit 't daak d'r aaf hie van de tent!

Koeplet 3:

Aan 't einde van de vastelaovend, de piep höb ich laeg
Ich bin wie 'ne jónge hond door de zaal haer gevaeg
't Belt veur de lètste runde, ich lach 'ns nao dich
Veer gove de vastelaovend ós eige gezich
Meh weurt de vermeujdheid de baas
Geuf dae plaetjesdreijer nog 'ns gaas!



05.

TEKSSRIJVER(S) NIEK DIRKX, JOS WACKERS
KOMPONIS(TE) JO HUIJNEN, NIEK DIRKX
OETVOERENDE(N) SPIK EN SPAN



Vastenach!

📍 SUSTEREN

Koeplet 1:

Es sjmiddes rondj ein oer of 4
Het Zuuje carnavalt
De nach is nog zoe laangk
Door de sjtraote sjalt
Doe dènks dit wurt noait baeter
Mer dien hert wèt besjeid
Dien hert veult waat vannach weer kòmme geit

Koeplet 2:

En es saoves rondj ein oer of 10
De lempkes aangegaon
De vrouwluuj van de joekskepel
Oppe taofel sjtaon
In de eine handj e pilske
In de angere de prins
Ich höb noe al vööl kompassie mit dae mins
Want deze nach is net op gang
En Limburgse nachte zeen lang

Refrein:

Oh waat ein nach. Oh waat ein nach
Ich haw noait gedach det hiej d'n hemel zoew versjiene
Zoagawu de zòn weer geit verdwiene en het laeve nao òs lach
(en get beer heij wurt gebrach)

Hiep hiep alaaf veur vastelaovend vastenach

(11, 12 vastenach, nae dit haw ich noait verwach
Det v'r hiej d'n hemel haole es daobaove sjterre sjtraole
2, 3, kwart veur 4 nae danke man ich hoof neet meer
Deze jong dae geit noe heives, goeienach)

Jalala

Koeplet 3:

Tis 11 euver 12
De sjtart van vastenach
Begint vandaag vanzelf
Mit eine laevesgroate krach
De prins geit door de taofel
Ouch de joekskepel geit plat
Zie höbbe al de sjuste toan gezat
Jao deze nach is good op gang
En Limburgse nachte zeen lang

Koeplet 4:

Tis 13 euver 8, d'n daag nao vastenach
Ich mòt noe eigelik opsjtaon mer ich höb neet meer de krach
Doe dènks dit wurt noait baeter, mer dien hert wèt besjeid
Dien hert veult waat vannach weer kòmme geit



06.

TEKSSRIJVER(S) ROB VAN LIESHOUT
KOMPONIS(TE) JULES REIVERS, ROEL GOMMANS
OETVOERENDE(N) VAN LIESHOUT & ARTS

Ik Wooj Nie Gaon

📍 VENRAY

Koeplet 1:

Vreejdagaovend, half zeuve
Rám kepot, de piëp is leeg
De gânse waek wér dur gejakkerd
Génne puf, da's wat ik zeg

Vuul de bókstes dan wér trille
“Wor bliefde geej? Heej stöt al kâld”
Nòw vurrut dan, már echt hieël efkes
Wénneg zin, ik wer âlt...

Ik woof nie gaon...
Ik bliëf niet láng...
Bín zoeë wér weg...
Oké...
Nog ieëne dan

Refrein:

't Ging van braaf, nor baeter, nór brokke
Ik wiër gek, gâns koekoek, mesjokke
't Ging van liëf, nor lache, nor lalle
Urst mit zien tweeë, mit elf, mit zien alle!
Boem!

Koeplet 2:

Vandewaek, Lej was jööreg
Vief kiër elf dén álde mök
Ik mòs d'r hin, dat zaej mien vrow dus
Wat 'n glorie, vet geluk

Ieënmól daor, viël 't nie tege
Waarst en kieës en nog mieër biër
't Is meej nor de kop gestege
Wette wat, ik bliëf hiër...

Koeplet 3:

Vastelaovend, dinsdagmaerge
Stiëve knäök, 'ne haolte kop
Laot die boëremoes már schiëte
De Vastelaovend zit d'r òp

Már ien mienen boek bliëft d'r wat jukse
Ik bliëf nie thuus, ik mótt gaon
Gof ik nog hieël efkes kiëke
Driëj kiër raoje, hoe 't hét gegaon

Boem!



07.

TEKSSRIJVER(S) TIM HAMERS
KOMPONIS(TE) TIM HAMERS
OETVOERENDE(N) CLAIRE

Pas dan kom ich thoes!

📍 ELSLOO

Koeplet 1:

Es zonnesträölkes opnuuj ontsjtaon
Sjalt in 't café "'t lètste leed"
't Teike langzaam heim te gaon
Dat prikkelt urges mien verdreet

Laot die lètste runj mèr wachte
Die wurdt vanaovend neet de baas
Dus proos ich hie nog aeve
Op 't ein-nao-lètste glaas

Refrein:

Es de lètste dans gedans is
Es de lètste wals gewals
Es de lètste sjans gesjans is
Pas dan kom ich thoes!

Es de eindtied al veurbie is
Es 't dankwoord aan de rie is
Es de prins zien vaere kwiet is
Pas dan kom ich thoes!

Koeplet 2:

De walle van vermeuidheid
Greuje hie door zwa lang de tied
Os zaet dat hie nog fjès besjiteit
Pèsdat 't lètste träänke sjliet

De kastelein hink welliswaor
't Bord gesjlaote veur de roet
Mèr zellefs blik en vaeger kriege mich
Vandaag de deur neet oet!

Brug:

Mit de 'pès-volgend-jaor-gedachte' sjlaope, dat wurdt 'm neet veur mich
Dus sjtèlle veer 't einde oet, pèsdat de tied hie is gezjwich!

Opboew:

Es de lètste dans gedans is
Pas dan kom ich thoes!
Es de lètste wals gewals
Pas dan kom ich thoes!
Es de lètste sjans gesjans is
Pas dan kom ich thoes! (4x)
Pas dan kom ich thoes!

Slot:

Noe de eindtied al veurbie is,
Noe 't dankwoord aan de rie is,
Noe de prins zien vaere kwiet is,
Pas noe kom ich thoes...



08.

TEKSSRIJVER(S) BAS KELTJENS
KOMPONIS(TE) DWAYNE HORBAG
OETVOERENDE(N) SJPRINGLAEVEND

De euveral-uh-fees- van-makers

📍 GULPEN

Koeplet 1:

De lampekepkeshouwer houwt al zeker twieje oer
Mit alle ederein-dae-kint-ze-leedjes mit
De barvrouw zingt mit sjteeds mier vrung es uh
geweldig kroegekoeër
De eine nao de and're superhit!

Pre-chorus:

Veer make Vastelaoves-sfeer
Ederein op zien meneer
En mit z'n alle zinge veer:

Refrein:

"Veer zeen de eueval-uh-fees-van-makers
Tot de tap toe geit zeen veer de baas
De eueval-uh-fees-van-makers
En ut plan veur vandaag dat is: "gaas!"
Ohooo ein moment kin genog zeen
Dit is ut sein!
Ohooo, want noe ver d'r toch zeen:
"Noe bouwe veer d'r ein!"
Veer zeen de eueval-uh-fees-van-makers
Tot de tap toe geit mis veer d'r gein!"

Koeplet 2:

De ich-kom-uh-bietje-later-vrund geuf drek uh rundje weg
Hae wit hae kriet ze sjtraks nog diek en dubbel trök
En de neet-kepot-te-kriege-prins mit hoeëgtevrees haet pech
Hae sjteit noe baovenop zien eige sjtamkroegkrök

Brug:

Alle theeke, elk kefeeke, eedre tent mot oppe kop
Zaale, pleine, alle seine sjtoon op goon, gaef gaas,
kom op!
(2x)

Slot:

Tot de tap toe geit: "FEES!"
Veer goon door mit os "FEES!"
Tot Aswoonsdig weer langs is gewees...
"FEES!"



09.

TEKSSRIJVER(S) BAS KELTJENS
KOMPONIS(TE) MARK VAN MULLEKOM
OETVOERENDE(N) ANDY & ROY

Made in Limburg

📍 VALKENBURG

Koeplet 1:

Dao wao mij doorzakkersj dan meuge zeen
En minder tied dan dorsj
Wao glaaze voller dan de Beursje zeen
Dao zingt un kroeg oet volle Borsj

Euver de fieëstent, d'r Hergott, Nao ut zuuje ALAAF!
Dao komme veer vanaaf.... Want veer zeen...

Refrein:

Made in Limburg
Sjteit in os kaertsje van de kraag
Zwa zuut ederein op slaag, woa ut fieës is vandaag

Made in Limburg
Veer kalle plat en gaeve gaas
Vandaag sjtruimt hiej de tapkraan, nog sjneller dan de Maas
Ut geveul wint noe van ut versjtand

Made in Limburg,.... ut sjwaanste van ut land

Koeplet 2:

Dao woa de kouw ut van de sfeer verluus
Wint same van allein
Wao ste mos drinke veur dien beer bevruus
Dao zingt ein plein mit ederein

Euver de sterre, d'n hiemel, Bestel mar, alaaf!
Dao komme veer vanaaf.... Want veer zeen...

Brug:

Van de Geinfieëstelaotesjeeters
Tot de opdebankgeneeters
Sjrief mit os noe dit verhaal
Want veer zeen allemaol... ALLEMAOL!!



SCOREFORMULIER

48^e FINALE LVK 2024



			LVK-JURY	JURY LVK AAD-FINALISTE	VASTELAOEVENDS JURY	JURY EX-JAÖGRINSE EN EX-JAÖGRINSESSE	PUBLIEKSWINNER VIA SMS	TOTAAL	PLAOTS
IN VOLGORDE VAAN OPTREJJE:	OETVOERENDE(N):	PLAOTS:	1	2	3	4	5	PNT	
01. Noeëts Mèr Vergaete	Bjorn & Mieke	Venray							
02. Sjpaslegioen	Wild Vleisj	Elsloo							
03. Gans Limburg geit plat!	De Geliënde	Hulsberg							
04. Sjoenkele of Springe	4TON	Berg en Terblijt							
05. Vastenach!	Spik en Span	Susteren							
06. Ik Wooj Nie Gaon	Van Lieshout & Arts	Venray							
07. Pas dan kom ich thoes!	Claire	Elsloo							
08. De eueveral-uh-fees-van-makers	Sjpringlaevend	Gulpen							
09. Made in Limburg	Andy & Roy	Valkenburg							
10. 1000 Klanke, 1000 Kleure	Kartoesj ft. Nuchter Vertroch	Limbricht							

SCOREFORMULIER

48^e FINALE LVK 2024



LVK-JURY

JURY LVK-AAID-FINALISTE

VASTELAOVENDS JURY

JURY EX-JÄÖGRINSE EN
EX-JÄÖGRINSESE

PUBLIEKSWINNER
VIA SMS

TOTAAL

PLAOTS

IN VOLGORDE VAAN OPTREJJE:	OETVOERENDE(N):	PLAOTS:	1	2	3	4	5	PNT	
11. Póshaas	GoedZat	Veulen							
12. Nog nie te laat	Pruuf Mar	Ysselsteyn							
13. Nondeju	De Toddezék	Grubbenvorst							
14. D'n Drejdaagsvleeg	De Kwante Diekzék	Panningen							
15. 't Vastelaoveskroege-ritme	't Graotekoeër	Neer							
16. Ich vastelaovendj!	Men in Pek	Stramproy							
17. Vastelaovend is los!	Spass Partout	Venlo							
18. Vreej mét Vastelaovendj	Mark en Wilhelmien	Weert							
19. Heerlik!	Rempetemp	Amstenrade							
20. Woke, mèt 'n zachte G	Plekbend	Arensghout							

BIJ GELIEKE SCORE WEURT GEKEKE NAO DE SCORE VAAN DE LVK-JURY.

VOLG US:



10.

TEKSSRIJVER(S) THIJS ARTS, GER HOOFWIJK
KOMPONIS(TE) MARK COURAGE, GUUS KITZEN
OETVOERENDE(N) KARTOESJ FT. NUCHTER VERTROCH



1000 Klanke, 1000 Kleure

📍 LIMBRICHT

Koeplet 1 (euer sjminke):

Ès de kriebels kómme, 't in de maag geit grómme
Ideeje toegelich, veur sjmink op òs gezich
't Sjpunske bewaeg, kump dao de eesjte vaeg?
Dan hawte veer d'n aojem in, jao wach...!?! Dao zèt eemes in!

Refrein:

Eemes zèt in, besjeije begin
De toon geraak, code gekraak
Ich laot 't gaer gebeure, 1000 klanke, 1000 kleure
Mit vastelaovend dat geveul van heerlijk same biejein heure
Kiek ós hie gaon, kiek ós hie sjtaon, 't liek ein zootje óngerein
Mèr 1000 klanke, 1000 kleure, verbènje ós jaorliks mitein! (2x)

Koeplet 2 (euer dansuh):

De bein die gaon mich trille, zie weite wat ze wille
Danse, bewaege, de vloer aan gaon vaege
De spiere verzoere, wie lang geit dit doere?
Nog eine sjtap, 't-haet geine zin, want dao... zèt weer eemes in!

Koeplet 3:

Ein nuchter hermenie, sjeelt dees melodie
Noe doog dien kael mèr sjraape, dich nog èns biejein raape
Veer wille blieve zènge, òs sjtòm gans gaer vènge
Nog effekes de aojem in en dan... zèt v'r weer 'ns in!

Brug:

En sjturf de lètste klank ewèg,
bleus nog gaw eine zien träötje rèch!



11.

TEKSSRIJVER(S) DAVID JANSSEN
KOMPONIS(TE) STEF CLASSENS
OETVOERENDE(N) GOEDZAT



Póshaas

📍 VEULEN

Intro:

Moije brune oeëge en 't huppelt ien 't rond
Stòmverbaasd noeëts gedòcht dat zóiets bestoond
Zien maendje mit ejjer is práchtig versiërd
Már Vastelaovend het heej nog noeëts geviërd

Refrein:

Wie is d'r 6 waeke te vroeg
De póshaas stöt beej òs ien de kroeg
Vriende die mákt heej genoeg
Jao de póshaas stöt beej òs ien de kroeg
“Bedankt für die bloeme”, 't het nog zien tied
Dat het nog efkes te gaon
Wie is d'r 6 waeke te vroeg
De póshaas ien de kroeg

Koeplet 1:

Heej kumt uut de winterslaop, ien d'n tied vergist
Òp 'n dag as vandaag werd niks gemist, nae d'r werd niks gemist
Länge oeëre en ieën d'r van hángt sláp
As ie wat besteld is dat wortelesáp, is dat wortelesáp
Heej wooj dat dit mit Pósse ók bestoond

Koeplet 2:

Òp ritme van meziek, gõt alles òp en nieër
't Stértje wiebelt mit, heej mákt áltied pleziër,
heej mákt áltied pleziër
Nó dit fieëst is wer, Pósse án de beurt
Már zien ejjer, zien vastelaovend gekleurd,
vastelaovend gekleurd
Heej huppelt as 'n blieje ien 't rond

Brug:

De ejjer verstoppt, 't maendje is leeg,
zien waerk dat is nou gedaon
Már vur dat ie plat op zien oeëre gõt,
lót heej zich nog hieël efkes gaon, nog efkes gaon



12.

TEKSSRIJVER(S) MARK VAN MULLEKOM, TAMARA KOONINGS
KOMPONIS(TE) MARK VAN MULLEKOM, JERÔME LENDERS, STEF KOONINGS
OETVOERENDE(N) PRUUF MAR

Nog nie te laat

📍 YSSELSTEYN

Koeplet 1:

Ik zie 't en ik vuul 't dat geej hejmwee het
Daenk nòw már hieël efkes án wat òs mam òs het gezeed
Weg van òs kroege, de joeks en de knoëvels, 't ávventuūr ien zicht
Gót ver hiër vandán dan wette pas wat ge mist

Kòm beej meej, kòm d'r beej
Nog làng nie alles is gezeed en gedaon
Griep òw kâns nòw weej hiër drief daag staon

Refrein:

't Is nog nie te laat
Dit zien òs memento
Nog nie te laat
En iederieën herkent ze
Fluuster of zing 't
Pruuf 't, bedaenk
't Laeve vliëgt vurbeej
Nog nie te laat
't Is Vastelaovend, vuul ow vreej

Koeplet 2:

Ik wieët 't en ik vuul 't... toch blijft 't stil
D'r zit hieël diëp van binne iets wat ik hieël gaer daele wil
Jaore vervliëge mér iets hiël meej taege, dus luuster nòw
Viër klaene weurd, van meej vur òw

Kòm beej meej, kòm d'r beej
Nog làng nie alles is gezeed en gedaon
Ik griep mien kâns nòw weej hiër drief daag staon

Brug:

Pák mekaar vast, 't laeve het gén geduld
Zing tot òw hárt zich mit Vastelaovend vult



13.

TEKSSRIJVER(S) RENE VERSCHUEREN
KOMPONIS(TE) GEERT VERSCHUEREN, RENE VERSCHUEREN
OETVOERENDE(N) DE TODDEZÉK



Nondeju

📍 GRUBBENVORST

Koeplet 1:

Ik weit ut nôw ech zeker
Ik weit ut al te bes
Ik bin ech genne greker
En altiéd beej de les
Ik zal ut mar bekinne
Ut dreijjt mich in t rond
Det kinse ni verzinne
Is zeker hiël gezond

Dus hald mich nôw ni taege, ik hald mich ni keduuk
Vastenaovend is mien laeve, det kump altiéd teruuk


Refrein:

Nondeju
Waorum is dit ni gans ut jaor
Nondeju
Dan waas ut laeve ni zoë zwaor
Nondeju
Dan ginge weej nag langer door
Nondeju
Ongelukkig mar waar

Koeplet 2:

Ik mein ut ech te weite
Ik mein ut altiéd good
Ik bin al aan ut zweite
Des wat ik dan dus doot
Allein al beej ut dinke
Schuut ut mich in de kop
Laot mich heej mar verdrinke
Det druim ik dan hardop

Dus hald mich nôw ni taege, ik hald mich ni keduuk
Vastenaovend is mien laeve, det kump altiéd teruuk



14.

TEKSSRIJVER(S) ROB KÖMHOF
KOMPONIS(TE) ROB KÖMHOF
OETVOERENDE(N) DE KWANTE DIEKZÈK



D'n Drejdaagsvleeg

📍 PANNINGEN

Koeplet 1:

Urges in d'n dreksbak, werd ich gebore
Tusse bietjes erwtesoep en unne snee volkore
Wie ich toen mien vleugels heb gekrege
Bin ich vanoecht dae vuulniszak, zoëmer enthousias gerak
En door de vastelaovend haer gaon vleege

Refrein:

Ich bin unne drejdaagsvleeg
Ich laef allein mit vastelaovend
Tusse kroege ongerweeg
Zeen ich veulbelovend
Det ze mich neet zien vergaete
Want ich krieg euveral te drinke en te aete
Ich zoem ronk van gelök, det ut mich is gegaeve
Mit de vastelaovend, drej daag te moge laeve

Koeplet 2:

Urges op un roëje naas, zoog ich heur wel zitte
Vrièvend mit heur putjes, op 'ne vent dae loog te pitte
Hoofde ut neet lang te euverwege
Vleegesvlug greep ich mien kans, showde miene paringsdans
En toen hebbe wae kriebelkes gekrege



Koeplet 3:

Urges tege 11 oor, oppe dinzigaovend
Vloog ich mit mien maedje nao ut ènd van vastelaovend
Ut gelök waas nao de kop gestege
Wies det ze reep "Jong aan de kank!", dao kump unne platte hank
En ich waas nét te laat um wig te vleege

Slot:

Ich waas unne drejdaagsvleeg
Ich laefde allein mit vastelaovend
Tusse kroege ongerweeg
Zoog ich veulbelovend
Det ze mich hej noeits vergaete
Want ich kreeg euveral te drinke en te aete
Ich zoemde ronk van gelök, det ut mich waas gegaeve
Mit de vastelaovend...



Bin ich unne drejdaagsvleeg
Ich laef allein mit vastelaovend
Tusse kroege ongerweeg
Zeen ich veulbelovend
Det ze mich neet zien vergaete
Want ich krieg euveral te drinke en te aete
Ich zoem ronk van gelök, det ut mich is gegaeve
Mit de vastelaovend, drej daag te moge laeve

15.

TEKSSRIJVER(S) BAS KELTJENS
KOMPONIS(TE) BART STORCKEN
OETVOERENDE(N) 'T GRAOTEKOEËR

't Vastelaoveskroeger- ritme

📍 NEER

Refrein:

't Vastelaoveskroege-ritme
Zit de tent gans oppe kop
Lekker stampe op de vloer
Ss ein geweldig kroegekoëë

't Vastelaoveskroege-ritme
Dao kintj gaar niks taege op
Wae doon ut tegooj, zonger gespooj
Stoppe pas as de beerkraan stop

Koeplet 1:

Sjriewtj de buurvrouw get gestress
's Mörges om ein oor of zes
Oet de raam "ich mot zoë werke"
Wins häör den vööräl succes

Triktj d'n optocht door de straot
Langs ein yogaklas den laot
Oze joekskapel ins binne
Get lawaai kin toch gein kwaod

Eine viefdaagse beersjeet, ein krakende krök
Ein glaas det vélt, ein rundje besteld, zoë klinkt os gelök

Koeplet 2:

Gank vandaag ins vöör de grap
Mit de frietkraombaas op stap
Waerdj vannach nao sjoetingstied
Gein beer mer mayonais getap

Haet de klager van de buurt
Weer veer klachte ingestuurd
Zorg den det hae toet vastelaoves-
murgesvreug dit leedje huurt

Eine viefdaagse beersjeet, ein krakende krök
Ein glaas det vélt, ein rundje besteld, zoë klinkt os gelök



16.

TEKSSRIJVER(S) QUIRIEN VAN HAELEN
KOMPONIS(TE) JOB VAN HOOF
OETVOERENDE(N) MEN IN PEK



Ich vastelaovendj!

📍 STRAMPROY

Intro:

Ich vastelaovendj, dich vastelaovendjs
Wae vastelaovendje same mèt eîn

Koeplet 1:

Ich begin bie 't begîn, wie mien mooder mich nog droog
Ich sjoenkelde al alle sjoenkels, wie ich op heure sjouwer loog
Daonao heb ich gevastelaovendj, same mèt mien vrunj
Wae vastelaovendje tot 't duuster en tot de lèste runj

Refrein:

Ich vastelaovendj, dich vastelaovendjs
Wae vastelaovendje same mèt eîn
Blief dien laeve laeve
Blief dien druime druime
En vastelaovendj vastelaovendj noeëts mieër allein

Koeplet 2:

Noe de jaore zeen verstreke, heb ich 'n wins dae ich mich wins
Ich wil nog hieël get prooste prooste, vastelaovendje wie 'ne prins
Tot ich miene lèste aom aom, vastelaovendje mèt dich
En ich hoop des dich vastelaovendj, bliefs vastelaovendje mèt mich

Koeplet 3:

Wae sjoenkele, klinke, sjatere, schminke,
schravele, wazele, razele, winke
Wae prônke en prooste, sjoëje en sjânse,
drinke en duzele, druime en danse
Wae tappe en appe, klappe en kleppe,
wae neme en gaeve, genete en laeve
Mer ein werkwoord zeet... ALLES in ein:
Wae vastelaovendje same mèt ein!!

En vastelaovendj vastelaovendj, noeëts
mieër allein



17.

TEKSSRIJVER(S) THIJS VAN HOFTEN, SHEBA VAN MIL-KRANS
KOMPONIS(TE) JERÔME LENDERS
OETVOERENDE(N) SPASS PARTOUT

Vastelaovend is los!

📍 VENLO

Koeplet 1:

Huur! (Venlo)

Vastelaovend begint! (Venlo)

De zörg zien veur later (Mestreech)

In mien stad aan 't water (Venlo)

Dat is wat us verbint (Mestreech)

't Is det gevoel det in os blood krup (Venlo)

Zjus wie de Maos gans Limburg door löp (Mestreech)

Wie 't struimp (Venlo)

't Sjuimp (Mestreech)

Zoë vindt 't ziene waeg (Venlo)

Refrein:

As meziék weer door de straote klink (Venlo)

Idder hoés ein andere vlag oéthingk (Venlo)

Jao, daan spreke veer vaan joonk tot aajd dezelfde taol (Mestreech)

Veer zinge o-o-oo (Mestreech)

Same op straot of mèt vrun in de zaol (Mestreech)

Weej zinge o-o-oo (Venlo)

Vastelaovend is los! (laatste refrein 2x)

Koeplet 2:

Laef! (Venlo)

Dit is 't gelök! (Mestreech)

Wee of wat'ste ouch bis (Mestreech)

Waar dien have auk is (Venlo)

Kom hei altied geer trök (Mestreech)

't Is det gevoel det in os blood krup (Venlo)

Zjus wie de Maos gans Limburg door löp (Mestreech)

Wie 't struimp (Venlo)

't Sjuimp (Mestreech)

Zoë vindt 't ziene waeg (Venlo)

Brug:

Laot us hure wie't geer zinge kint! (Mestreech)

O-o-oo

En geneet noow maar van dit moment (Venlo)

O-o-oo



18.

TEKSSRIJVER(S) TOM JASPERS
KOMPONIS(TE) TOM JASPERS, JERÔME LENDERS
OETVOERENDE(N) MARK EN WILHELMEN

Vreej mét Vastelaovendj

📍 WEERT

Koeplet 1:

Hejjae de baas al maondje lang aan heure kop gezeurdj
De agenda veurig jaor al roeëd-gael-greun gekleurdj
Of deije eur pekske maaktj of kouptj
De optocht kiekjtj of deije 'm louptj
Vae laeve allemaol op vastelaovesgoud

Hejje eur pekske al gepasj?
Haal alle kleure uut de kast!

Refrein:

Vae zeen vreej
Vreej mét vastelaovendj
Vreej de gansen aovendj
Hieël d'n daâg en hieël de nacht
Vae zeen vreej
Vreej mét vastelaovendj
Wi-j e vuuëgelke zoeë vreej
Aan de horizon vörbeej
Zoeë vreej-vreej-vreej mét vastelaovendj!



Koeplet 2:

Nao 4 sezoêne ingetooge zeen vae vòluut heej
'n Hieël jaor alles aafgewooge, noow weer puur d'r beej
Alle maskers gaon weer aaf
't És gedaon mét schoeën en braaf
Heej és d'n ECHTE vastelaovesgek, Alaaf!

Dus hejje eur pekske al gepasj?
Haal alle kleure uut de kast!

Brug:

Och waasj mer ederen aovendj
Zoeë wi-j dae vastelaovendj
Dan waas de werreldj, hieël de werreldj heej!

Slot:

Oeës vastelaoveshert és riêk
Hieël de werreldj veultj geliêk
Zoeë vreej-vreej-vreej wi-j mét vastelaovendj
Zoeë vreej-vreej-vreej mét vastelaovendj



19.

TEKSSRIJVER(S) JULIE NOTERMANS, ROGER PISTERS
KOMPONIS(TE) ROGER PISTERS
OETVOERENDE(N) REMPETEMP



Heerlik!

📍 AMSTENRADE

Koeplet 1:

Nog efkes op ein oër, twieje pèkskes op de vloer
De glitter in dien haor sjient mich wakker, ich bin klaar
Koffie klettert in de kan, sipek sijpettert in de pan
'n lèjste drum van wièd, en in 'n mum van tièd
't Geveul wat noeëts neet wènt
De vastelaovesdaag begint!

Koeplet 2:

Nao 't ligke van de baom, kom v'r langzaamaan op sjtoom
Doe sjleis de boa om dich haer, doezend veere sjtrieke neer
't Viltje in mien jas, besjtilt zichzelf alvas
Hawt dich mer paraat, ut wurd nachwaerk, ut wurd laat
Wae wit wo veer vanaovend sjtaon
Es veer nao vastelaovend gaon!

Refrein:

Heerlik
Haol gans deep aom, laot de kraom de kraom
Dit is heerlik
Kiek rond, geneet, baeter wurd 't neet
Heerlik
Gaef d'r mer aan toe, laef hie en noe
Dit is heerlik
Kiek rond, geneet, baeter wurd 't neet

Brug:

Van de glitter in dien haor, op de vloer, op alle sjpegels
Geneet ich noa 't ganse jaor, in de douche, op alle tegels
Al die veerkes ving ich trök, van veur tot achter in de bank
Mien momentjes van gelök, in de deurmat op de gank
En zikg noe toch ins eerlik, dit mákt 't ganse jaor toch heerlik!
Een zikg noe toch ins eerlik, dit mákt 't ganse jaor toch heerlik!



20.

TEKSSRIJVER(S) MAURICE PLUIJMAKERS
KOMPONIS(TE) MAURICE PLUIJMAKERS
OETVOERENDE(N) PLEKBEND

Woke, mèt 'n zachte G

📍 ARENSGENHOUT

Koeplet 1:

You never Woke Alone

Ich gaon dit jaor verkleid es indiaan
Meh maog dat nog waal?
Of nump dao dalik emes aansjtoat aan?
Jao maog dat nog waal?
Maoge prins en prinses vastelaovend regere?
Of mó't v'r dao ièsj de A2 veur blokkere?
Jao, alles weurt gewaog, en sjteeds mer weer die vraag:
Wat mè't vastelaovend nog maog

Refrein:

Noe zin veer 'n bietje woke, meh mè't 'n zachte G
Van Eijsde tot in Mook, op de sjtraot en in 't café
Noe zin veer 'n bietje woke, meh lekker positief
Van Eijsde tot in Mook, is ech alles inclusief!
Nae, de zuus hie gein grenseuversjreidend gedraag
Want gluif mer, veer blieve in Limburg die daag!
Noe zin veer 'n bietje woke, meh nieks aan de hand
Van Eijsde tot in Mook, heers de milde variant

Koeplet 2:

You never Woke Alone

Sjtrak sjrääme de auw wiever door de zaal
Meh maog dat nog waal?
Of mó't dae ganse zjwik genderneutraal?
Jao maog dat nog waal?
Kiek, 't road, gael en greun wappert fier aan de deure
Of maog dat allein nog in raegebaogkleure?
Jao, alles weurt gewaog, en sjteeds mer weer die vraag:
Wat mè't vastelaovend nog maog

Brug:

Es 'n buut of 'n leedje get prikkelt
Weurt ózze vastelaovend banger
En verkleije? Dat is ingewikkeld!
Want ós tiène die waere ummer langer (langer - langer)

Slot:

You never Woke Alone



PUBLIEKSSTUMME VIA SMS

Ouch geer kint mètbepaole wee 't LVK 2024 geit winne. De publieksstumme tèle veur 1/5de mèt in de eindoetslaag. Geer kint deilnumme door 'ne sms te sjikke en op e leedsje te stumme.

SMS € 1,00 per sms

SMS NÓ 4004

01. Noeëts Mèr Vergaete	Bjorn & Mieke	Venray	LVK spatie 01
02. Sjpaslegioen	Wild Vleisj	Elsloo	LVK spatie 02
03. Gans Limburg geit plat!	De Geliënde	Hulsberg	LVK spatie 03
04. Sjoenkele of Springe	4TON	Berg en Terblijt	LVK spatie 04
05. Vastenach!	Spik en Span	Susteren	LVK spatie 05
06. Ik Wooj Nie Gaon	Van Lieshout & Arts	Venray	LVK spatie 06
07. Pas dan kom ich thoes!	Claire	Elsloo	LVK spatie 07
08. De euveral-uh-fees-van-makers	Sjpringlaevend	Gulpen	LVK spatie 08
09. Made in Limburg	Andy & Roy	Valkenburg	LVK spatie 09
10. 1000 Klanke, 1000 Kleure	Kartoesj ft. Nuchter Vertroch	Limbricht	LVK spatie 10



Mèt eure mobiele tèlefoon kint geer drei kier
'n unieke stum oetbringe via sms.



SMS € 1,00 per sms

SMS NÓ 4004

11. Póshaas	GoedZat	Veulen	LVK spatie 11
12. Nog nie te laat	Pruuf Mar	Ysselsteyn	LVK spatie 12
13. Nondeju	De Toddezék	Grubbenvorst	LVK spatie 13
14. D'n Drejdaagsvleeg	De Kwante Diekzèk	Panningen	LVK spatie 14
15. 't Vastelaoveskroege-ritme	't Graotekoeër	Neer	LVK spatie 15
16. Ich vastelaovendj!	Men in Pek	Stramproy	LVK spatie 16
17. Vastelaovend is los!	Spass Partout	Venlo	LVK spatie 17
18. Vreej mét Vastelaovendj	Mark en Wilhelmen	Weert	LVK spatie 18
19. Heerlik!	Rempetemp	Amstenrade	LVK spatie 19
20. Woke, mèt 'n zachte G	Plekbend	Arensghout	LVK spatie 20

VOLG US:



EUVERZIECH WINNERS LIMBURGS VASTELAOVESLEEDJES KONKOER

JAOR	HERKOMS	TITEL	KOMPONIST(E)
1977	Mestreech	Vaan Eysde tot de Mookerhei	Jean Innemee
1978	De Ruiver	De zaagte 'Geej'	Jan Theelen
1979	Gelaen	Dan kal ich plat	Ben Erkens en The Country Singers
1980	Zitterd	De beierheering	Hans Wijnands
1981	Remunj	De vastelaovend heurt bie Limburg	Naud Reijners
1982	Göttekaove	Zoa moosj 't kènne blieve	Guus Steinen en John Wauben
1983	Gelaen	Mie Limburgs blood	Ben Erkens
1984	Meersje	Doa moste mèt ljàrre léve	Leon Volders
1985	Gelaen	Hawt 'm vas de vastelaovend	Bert Dijcks
1986	Mestreech	Jao heij in Limburg	Sjef Duchateau
1987	Lin	Wieböle	John Evers
1988	Venlo	Minse wie weej	Giel Aerts
1989	Venlo	De knappe(rikke)	Giel Aerts
1990	Gelaen	Ich tik neet richtig	Ben Erkens
1991	Venlo	Det is ein joekskèpel op joets	Jan Jacobs
1992	Venlo	Waat hebbe we 't toch good	Giel Aerts
1993	Tegele	'nne Late	Peter van den Akker
1994	Venlo	Heej of dao	Giel Aerts
1995	Hòrs	De ganse santekraam	Thijs Kleeven
1996	Mestreech	Drejje!!	Ursula en Bert Garnier
1997	Venlo	Had ik maar	Sef Gubbels
1998	Ulejstraote	Opzie, Opzie, Opzie	Gaston Jacobs
1999	Mestreech	Iech hób diech weer gevoonde	Ursula en Bert Garnier
2000	Venlo	Josefien	Wim Roeffen



TEKSSRIJVER(S)

OETVOERENDE(N)

FINAALPLAOTS

Bert Salden	The Walkers	Gelaen
Arnold Wassen	Lei Driessen	Gelaen
Thijs Arts	Ben Erkens en The Country Singers	Gelaen
Hans Wijnands	Peter Eijkenboom en The Ragtime Band	Gelaen
Naud Reijners	Naud Reijners en Dominique Reijners	Gelaen
Guus Steinen	De Zjweitvuit	Gelaen
Miets Zijlstra-de Loo	Ben Erkens en Kapel 'Roed is Droof'	Gelaen
Leon Volders	Leon Volders	Remunj
Jan Ridderbeekx	Jan Ridderbeekx en The Fratellies	Heëlehei
Sjef Duchateau	Beppie Kraft	Gelaen
Piet Evers	Duo Twee Plus en De Kuulköpkes	Gelaen
Frans Boermans	De Kammeräodjes	Gelaen
Frans Boermans	Wiel Vestjens en Hary Cromptvoets	Gelaen
Miets Zijlstra-de Loo	Ben Erkens	Gelaen
Sef Maaskant	Hay en Paul Peeters	Gullepe
Frans Boermans	Wiel Vestjens en Hary Cromptvoets	Lin
Peter van den Akker	Thei en Marij	Tegele
Giel Aerts	Wiel Vestjens en Hary Cromptvoets	Baek
Cor Kuipers	De Wazelvotte	Roggel
Ursula en Bert Garnier	Duo Ammezasië	Hörs aan de Maas
Frans Boermans	Wiel Vestjens en Hary Cromptvoets	Gelaen
Gaston Jacobs	Gaston Jacobs en zien vrunj	Wieërt
Ursula en Bert Garnier	't Merretkoer	Belvend
Wim Roeffen en Frans Boermans	Wiel Vestjens en Gé Deenen	Kirchrao

EUVERZIECH WINNERS LIMBURGS VASTELAOVESLEEDJES KONKOER

JAOR	HERKOMS	TITEL	KOMPONIST(E)
2001	De Ruiver	Good geammezeerd	Arnold Wassen
2002	Gullepe	Wie d'r Herrgot Limburg had gemaak	Ben Erkens
2003	Venlo	Dèh dan, dao isse	Wim Janssen
2004	Heële	Tweemaol aafgezeëg(en nog te kót)	Paul Münstermann
2005	Bor	Wat zaeter?!	Ben Erkens
2006	Lömmerig	Dat zit bie os in de familie	Guus Steinen
2007	Grevors	Heej bliëf ik plekke	Rene Verschueren
2008	Venlo	De kriebels	Frans Pollux
2009	Grevors	Ni miër en ni minder	Rene Verschueren
2010	Venlo	Vandaag!	Quinn Warmerdam
2011	Venlo	Kôm 's kiëke beej ôs	Quinn Warmerdam
2012	Venlo	Doot 's gek	Quinn Warmerdam
2013	Mofert	Laef, Limburg laef!	Ron Roemen
2014	Grevors	Onhendig leedje	Rene Verschueren
2015	Zöstere	Es vastelaovend Limburg bènne vèlt	Mark van Mullekom
2016	Zöstere	Kampioene van de Nach	Mark van Mullekom
2017	Hölsberg	Code 'road-gael-greun'	Jos Gijzen
2018	Zöstere	Blieve	Jo Huijnen en Niek Dirx
2019	Haele	Groete oet de fieësttent	Bart Storcken
2020	Zöstere	Vrunj tot de allerleste runj	Jo Huijnen en Niek Dirx
2021	Haele	Dorst is baeter mit vrunj	Bart Storcken
2022	Rooy	Âltied Ope	Roel Gommans en Jules Reivers
2023	Ysselsteyn	Ojjem Blieve Hale	Mark van Mullekom, Jérôme Lenders, Stef Koonings

TEKSSRIJVER(S)	OETVOERENDE(N)	FINAALPLAOTS
Arnold Wassen	Dét mô't kenne	Neel
Ben Erkens	Frans Croonenberg	Belvend
Peter Jansen	Peter Jansen & Wim Janssen	Zitterd
Paul Münstermann en Leo Keularts	Paul en Leo	Berg
Paul Heffels, Frank Dullens en Ben Erkens	Böshuuske Ontsjpannings Vereiniging	Venroj
Guus Steinen	Kartoelj	Stein
Rene Verschueren	De Toddezèk	Neel
Frans Pollux	Bram Holla & Ruud Stikkelbroeck	Zaerum
Rene Verschueren	De Toddezèk	Gelaen
Quinn Warmerdam	W-Dreej	Toear
Hannelore Winter	W-Dreej	Kepel
Quinn Warmerdam	W-Dreej	Mergraote
Ron Roemen	La Bamba	Neel
Rene Verschueren	De Toddezèk	Grevors
Bas Keltjens	Spik en Span	Kirchrao
Bas Keltjens	Spik en Span	Venroj
Maurice Pluijmakers	De Geliënde	Heële
Niek Dirx en Jos Wackers	Spik en Span	Kessel
Bas Keltjens	Hoondervel	Mestreech
Niek Dirx & Jos Wackers	Spik en Span	Ech
Bas Keltjens	Hoondervel	Thoes in de hoeskamer
Roel Gommans, Jules Reivers en Leon Aarts	Bjorn & Mieke	Rooy
Mark van Mullekom, Tamara Koonings	Pruuf Mar	Rooy

Hoofdsponsors oetzending finale LVK

 **Albert Heijn**
Jan Linders

Bohaco[®]
ramen deuren serres zonwering

 **CUPBROTHERS**
Reusable cups & tableware
www.cupbrothers.com

**D&D**
Verhuur
Dorscheidt & Dorscheidt


Daniels
Traprenovatie

KARAMELLE
Freddie



Mobiliteitswereld
voor al uw hulpmiddelen

schmink
specialist.nl

 **Stadion**
UITZENDEN
Werb beleef je!

maak je eigen energie met

new energy systems
zonnepanelen | warmtepompboilers | warmtepompen

SCALA 


THE TRU
COMEDYKASCHIEDING
www.the-tru.nl


Alaaf



Media
partner

L1mburg 

Vrun van 't LVK



Sync.
alij greuen alles klinkur



MEDIAKRACHT



Bestuur Stichting LVK

't Bestuur besteit oet (v.l.n.r.):

- Erwin van Engelen, Joas
- Marja van Kessel, Göttekaove
- Joep Verbugt, Helje
- Elise van Wordragen, Helje
- Roel Florie, Kunder
- Brigitte van Eck, Mestreech
- Maurice Gorissen, Zitterd

Sponsore vaan de Sjeng Kraft Kompenei

Boels
RENTAL

**CUPBROTHERS**
Reusable cups & tableware
www.cupbrothers.com

**Brand**
LVK 2024

TOP
PHARMA



- ★ Up-Stage B.V.
- ★ Avontuur-Blachere NL Limburg
- ★ Power4events by Lambrix Elektrotechniek
- ★ van Rijt automatisering
- ★ Xymio
- ★ WE-AV
- ★ Supermarkt Stramproy B.V.
- ★ Bouwens elektrotechniek
- ★ Schrobbeleër